

VENDIM
Nr. 338, datë 19.4.2017

PËR KALIMIN NË PRONËSI, NGA MINISTRIA E MBROJTJESTE BASHKIA FINIQ, TË PRONËS NR.646, ME EMËRTIM “ISH-GRUP ARTILERI TOKËSORE”, ME VENDNDODHJE NË KRANE, FINIQ, DHE PËR NJË NDRYSHIM NË VENDIMIN NR.515, DATË 18.7.2003, TË KËSHILLIT TË MINISTRAVE, “PËR MIRATIMIN E LISTËS SË INVENTARIT TË PRONAVE TË PALUAJTSHME SHTETËRORE, TË CILAT I KALOJNË NË PËRGJEGJËSI ADMINISTRIMI MINISTRISË SË MBROJTJES”, TË NDRYSHUAR

Në mbështetje të nenit 100 të Kushtetutës, të neneve 13 e 15, të ligjit nr.8743, datë 22.2.2001, “Për pronat e paluajtshme të shtetit”, të ndryshuar, dhe të neneve 3, 5, 7 e 8, të ligjit nr.8744, datë 22.2.2001, “Për transferimin e pronave të paluajtshme të shtetit në njësitë e qeverisjes vendore”, të ndryshuar, me propozimin e ministrit të Mbrojtjes, Këshilli i Ministrave

VENDOSI:

1. Kalimin në pronësi, nga Ministria e Mbrojtjes te Bashkia Finiq, të pronës nr.646, me emërtim “Ish-grup artileri tokësore”, me vendndodhje në Krane, Finiq, sipas planvendosjes që i bashkëlidhet këtij vendimi dhe është pjesë përbërëse e tij, për ta përdorur për ndërtimin e një qendre të shërbimeve publike dhe për vendosjen e shërbimit zjarrfikës, MZSH, për realizimin e funksioneve të veta e të shërbimeve në territorin që përfshin Bashkia Finiq.

2. Në listën e inventarit të pronave të paluajtshme shtetërore, që i bashkëlidhet vendimit nr.515, datë 18.7.2003, të Këshillit të Ministrave, të ndryshuar, të hiqet prona nr.646, me emërtim “Ish-grup artileri tokësore”, me vendndodhje në Krane, Finiq, dhe të shtohet në listën e inventarit të pronave paluajtshme shtetërore publike, që i kanë kaluar në pronësi ose në përdorim Bashkisë Finiq.

3. Bashkisë Finiq i ndalohet të ndryshojë destinacionin e përdorimit të pronës nr.646, me emërtim “Ish-grup artileri tokësore”, me vendndodhje në Krane, Finiq, të përcaktuar në pikën 1, të këtij vendimi, ta tjetërsojë atë ose t’ua japë në përdorim të tretëve.

4. Ngarkohen Ministria e Mbrojtjes, Agjencia e Inventarizimit dhe Transferimit të Pronave të Paluajtshme, kryeregjistruesi i Pasurive të Paluajtshme të Republikës së Shqipërisë dhe Bashkia Finiq për ndjekjen dhe zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI
Niko Peleshi

PLAN RILEVIMI
Prona nr.646 REP. USHT. GR.AT. KRANE DELVINE

IDENTIFIKIMI I PASURISE

Zona Kadastrale 2264
Nr.Pasurise Vol. Fq
Indeksi i Hartes J-34-5-(67-D) ,(83-B)
Shkalla 1: 2500
Adresa e pasurise DELVINE
Q/F KRANE DELVINE
Pronari :
Ministria e Mbrojtjes,Komanda Mbështetëse



Shpjeguese:
Sip e pergjithshme=20007 m2
Siperfaqe ndertimi=2370.35m2
Kufiri i Repartit

Shënim : Ky planrilevimi u hartua në zbatim të shkresës së Komandes Mbështetëse nr.6115, datë 07.09.2016, bazuar në kufijtë faktik të pronës të regjuar nga përfaqësuksi i K.M, hedhur mbi oriofoton dhe kuadrin e bashkimit të HTR të dhënë nga ZQRPP, Tiranë.